

大清會典

內務府

大清會典

內務府

總理工程處管理大臣

特簡
無定員

委署主事一

人兼管司員

以內務府官
兼充無定員

掌

行宮營作之政令

本處專管熱河 園庭寺廟 南北路 行宮 並東路盤山北路

湯泉西路黃新莊等處 行宮 估銷工程 每年有應修者由各該處奏明 移咨本處 派員前往



按其報修款項。逐座踏勘。分別應修。應緩。繕摺
奏聞。俟派員覈估錢糧。本處復加斟酌。交
各該處。照數數目。奏請銀兩。自行購料。招商
辦理。工竣。復咨本處。派員查驗。其保固年限。凡
房屋。拆蓋者。保固十年。揭瓦頭。停挑。舉撥。正者
六年。夾隴。黏修者。三年。凡牆垣。連灰土。創砌者
十年。不動灰土者。六年。黏修者。三年。凡油畫。滿
整地。仗者。十年。補砌地。仗者。六年。不動地。仗者
三年。若內庭。應修殿座。房間。遇有
旨交辦者。由本處。勘明。應修。奏請
臣承修。工竣。復行查驗。
俱照熱河等工程。辦理。
欽派大

三旗銀兩莊頭處郎中一人。員外郎六人。委署

主事一人。

掌徵莊地之賦稅。

本處所管銀兩莊頭。有三百
兩莊頭一名。地二十七頃。二

百兩莊頭十七名。共地三百十六頃。三十三畝
有奇。一百兩莊頭二名。共地十八頃。又按地徵
銀莊頭一百三名。共地一千一百三十九頃。二
十九畝。有奇。投充人八十二名。共地一千六百
八十五頃。七十六畝。有奇。又蜜戶三十六名。共
地二百四十八頃。十五畝。有奇。葦戶七名。共地
一百二十五頃。四十六畝。有奇。凡莊頭投充蜜
戶。葦戶。各名下所領地畝。多寡。俱無定額。總凡
莊地三千一百八十六頃。三十七畝。有奇。歲應
徵銀二萬三千一百三十四兩。有奇。穀草十六

萬八千五百七十六。東有奇。葦三萬二百四十五斤有奇。各莊地坐落直隸順天府之大興宛平良鄉固安永清東安通州三河武清寶坻寧河昌平順義密雲懷柔涿州房山霸州文安薊州平谷保定府之清苑滿城安肅定興新城唐縣容城蠡縣雄縣新安永平府之盧龍昌黎灤州樂亭臨榆河間府之河間肅寧任邱交河天津府之天津青縣滄州南皮正定府之獲鹿宣化府之懷來延慶遵化州及所屬玉田豐潤易州及所屬涑水并定州。凡五十三州縣。每年應徵錢糧。設催長三名。副催長三名。領催十二名。副領催十二名。隨同催徵。分為十成。除未完不及一分者不議外。其欠一分至六分以上者。官員罰俸降級。催長等鞭責斥革。各有差。全完者。

官員紀錄一次。催長等記名陞轉。如將應徵錢糧三年全完者。官員於每年紀錄一次外。准再紀錄一次。催長等即以應陞之缺陞用。六年全完者。官員加一級。遇有旱澇。由莊頭等報明該地方官。該地方官會同鄰境州縣官查明被災地畝成數。出具印甘冊結送部。咨送內務府彙總具題。凡被災一分者。蠲免錢糧一成。自二分以上。俱遞次按成蠲免。凡報災不得過九月內。逾限者不准呈報。

奉先殿薦新則供禽物

每年正月 奉先殿薦新需用雞雞鵝各二十一隻。由

本處交所屬莊頭備辦。於是月上旬。派員恭送

奉先殿飯房應用。治其藝植。

凡景山等處補栽松柏等樹。據奉宸苑來文開明數目。派各莊頭及投充人等効力栽種。概不抵除。錢糧。備其物用。掌關防處官三倉應用青白柳條線麻棘麻繩筵等。由本處派催長動用所徵地畝錢糧。採買交送。例價銀一千四百八十三兩有奇。於歲底呈堂具題。覈銷。

筆帖式十有一人。

掌繙譯。

御船處管理大臣。

特簡
無定員。

兼管司員一人。

以內
務府

官兼
充。
掌

御舟之承應。

設水手九十七人。水手催長四人。網戶五十一人。網戶催長二人。水手月

給銀一兩五錢。網戶月給銀一兩。催長月給銀二兩。歲各給米二十四斛。又拜唐阿六十人。內頂戴頭目四人。承辦差務。恭遇皇上臨幸清漪園。靜明園及瀛臺等處。坐御

舟。管理大臣等伺應。遞送簞繩。水手催長。網戶催長。督率水手等刺船。如行水圍。亦由本處豫備圍船。如巡幸天津等處。亦係本處水手網戶掌船執事。其御舟由奉宸苑管理。

筆帖式二人。

掌繙譯。

御鳥鎗處管理王大臣。

特簡 無定員。

藍翎總承二人。

鳥鎗總承二人。鳥鎗長五人。庫掌二人。

掌

御鎗之承應。

設火藥庫。配造火藥鉛彈鐵砂等。需用硝黃麻稽棘麻。行工部。油單皮匣及繅匠。行武備院。柳枝炭。行奉宸苑。俱無定額。每歲木蘭秋獮。哨內所用火藥。按所獲之鹿

數。具題覈銷。遇有奏進新造鳥鎗。由本處試放。設庫守九名。拜唐阿三十七名。承應差務。其

御鎗由 養心殿造辦處製造。本處隨時領用。

御藥房管理大臣。

特簡 無定員。

主事一人。委署主事

一人。兼管司員二人。

以內務府官兼充。

兼管內管領一

人。副內管領二人。

於三十內管領副內管領內。由堂揀派管理。

庫掌

二人。

掌合和丸散。

凡藥味。每月二次。按應用品。味數。目。發票行太醫院傳取。每三月一

次。繕摺奏銷。惟人參係奏請應用。無定額。用竣時。開明用過數目。并服參職名具奏。再行請用。每歲暑令。乾清門。圓明園宮門。出入賢良門。各安設香薰湯。除夕。各宮殿安設蒼朮。及中正殿。管理念經處。製造大巴苓。玳瑁。巴苓等。應用藥味。俱由藥房按例交送。餘無定額。凡合藥。無折耗者三十一味。有折耗者二百九十二味。傳到藥味時。俱由太醫院選派御醫。敬謹看驗。分別存退。合藥時。亦由太醫院官會同監視。所用紅棗。膠棗。荔支。圓眼等。行掌儀司。兔雀等。行都虞司。桃樹。槐。楮。樹枝。荷葉。蓮蓬等。行奉宸苑。乳油。豬膽等。行茶膳房。沉香。茶葉等。行廣儲司。人乳。蜂蜜。白蠟。米麪。酒醋。糖。芫荽。薤白等。行掌關防處。其盛藥。碾藥所用缸。盆。乳鉢等。

行營造司。又金乳鉢一件。銀露甌一件。銀鍋二件。銀乳鍋二件。銀椀一件。銀杓二件。銀漏子四件。存廣儲司磁庫。遇應用時。行文領取。設催長一名。拜唐阿三名。蘇拉醫生四十四名。召募民醫生十七名。承應差務。

筆帖式十有四人

掌繙譯

南府景山管理事務大臣一人。於內務府大臣內簡充。

兼管司員八人。以內務府官兼充。內以二員管壽安宮錢糧庫事務。

掌學藝人之承應

南府景山各設有印信一顆南府額設八品催長一人拜

唐阿催長二人委署催長三人拜唐阿七人委署領催十三人景山額設拜唐阿催長二人拜

唐阿七人委署領催十六人壽安宮領催二人披甲人十二名蘇拉二名西檔房設副

催長三人東檔房設蘇拉八名管理承應差務其學藝人無定數

筆帖式六人

掌繙譯



